

¡BOMBA!


De que el tiempo todo acaba,
el poeta tenía certeza;
hoy regresa a la pureza
que el buen Capepo anhelaba



K'untzil

Martes 25 ti' agosto ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2796 · www.lajornadamaya.mx



U temperaturail u yóok'kabil u k'áak'náabil yóok'ol kaabe' tu píitmánsaj 21.10 grados, túumben récord

U temperaturail u yóok'kabil u k'áak'náabilo'ob yóok'ol kaabe' ts'o'ok u na'akal tak tu jach ka'analil yáax xoka'an, beey a'ala'ab tumen Servicio de Cambio Climático de Copernicus de la UE (C3S, yóok'olal bix u káajbal u ts'iibil inglés).

Ichil ba'ax jts'a'ab k'ajóotbile', le fin de semana máaniko', tu píitmánsaj u temperatura

mediail le k'áak'náabo', tu'ux ma' táaka'an tak polar bantailo'ob, k'uch tak 21.10 grados centígrados.

Récorde yaan ka'ache', je'ets' tu yáax k'iinil marzo ti' u ja'abil 2024, ka'aj chokochaj ja' tak ka jk'uch 21.09 grados centígrados.

Táanil ti' lelo', C3S tu ya'alaje', ba'axo'ob ku taal tu paach u

chokojtal k'áak'náabo'obe' ts'o'ok u káajal u chíikpajal Europa, tu'ux táan u yila'al u yóok'kabil u k'áak'náabil Atlántico yéetel u chik'inil Mediterráneo' yanchaj ba'al u yil yéetel le seten ooxol tu beetaj te'el ja'o', ts'o'oke' tu beetaj xan u jelpajal u kuxtal máaxo'ob yaan te'el jáal ja'o' beyxan ba'ax bak'pachtik.

Beyxan u ajxaak'al máakilo'ob Instituto Oceanográfico y Antártico del Ecuador (Inocar) ts'o'okili' u ya'aliko'ob ooxol táan u beetik tu ja'ilo'ob u k'áak'náabil yóok'ol kaabe', ku núupul xan yéetel El Niño, jump'éel ba'ax táan xan u jelpajal bix u yu'uba'al tu k'áak'náabilo'ob Pacífico tropical.